

Uslovi akcije „Filmovi, serije i popusti“

Član 1 Predmet ovih Uslova

- (1) Ovi „Uslovi akcije „Filmovi, serije i popusti““ (u daljem tekstu: Uslovi) utvrđuju specifičnosti pružanja i korištenja odabranih Moja TV paketa namijenjenih fizičkim licima (u daljem tekstu: Korisnik), za koje je Korisnik u toku trajanja akcije „Filmovi, serije i popusti“ (u daljem tekstu: Akcije) podnio zahtjev za korištenje.
- (2) Za sve što nije regulisano ovim Uslovima na odgovarajući će se način primijenit odredbe Opštih uslova za pružanje telekomunikacionih usluga BH Telecoma (u daljem tekstu: Opšti uslovi), Cjenovnika usluga u unutrašnjem i međunarodnom saobraćaju BH Telecoma (u daljem tekstu: Cjenovnik), Specifičnih uslova od Moja TV usluge i drugih specifičnih uslova usluga BH Telecoma koje Korisnik koristi.

Član 2 Korisnici

- (1) Ova Akcija je namijenjena samo Korisnicima koji zahtijevaju novi priključak nekog od Moja TV paketa iz Akcije, to jeste, benefiti Akcije se ne mogu iskoristiti na postojećim priključcima Moja TV usluge bez obzira da li su isti pod obaveznim trajanjem ugovornog odnosa ili ne.
- (2) Sa aspekta ove Akcije, novim Korisnikom se smatra:
 - a) novi Moja TV korisnici, a što uključuje sve potpuno nove korisnike ili nove priključke postojećih korisnika (priključak na novoj/različitoj fizičkoj lokaciji);
 - b) postojeći korisnici fiksne telefonske usluge i netFlat paketa koji uvlače predmetni priključak u Moja TV paket iz Akcije.
- (3) Ukoliko je postojeći korisnik Moja TV usluge raskinuo ugovor za Moja TV uslugu u toku trajanja Akcije, te zatim podnio zahtjev za ugovaranje Moja TV usluge po osnovu Akcije, isti se neće smatrati novim korisnikom i neće mu biti omogućeno ugovaranje Moja TV usluge po osnovu Akcije, međutim, imat će mogućnost da zaključi ugovor za Moja TV uslugu u skladu sa ponudom iz Cjenovnika ili u skladu sa Uslovi akcije Moja TV - super popusti za sve! za postojeće korisnike.

Član 3 Ugovor

- (1) Ugovor po osnovu ove Akcije se zaključuje na neodređeno vrijeme, a sa obaveznim trajanjem ugovornog odnosa od 24 mjeseca.
- (2) Prijevremeni prestanak/prekid ugovora za Moja TV paket, u toku obaveznog trajanja, zbog razloga za koje je odgovoran Korisnik (na zahtjev ili krivicom Korisnika), podrazumijeva penale koji su utvrđeni u daljem tekstu ovih Uslova.

Član 4 Benefiti

(1) Benefiti Akcije su:

BENEFIT 1		
Moja TV Net S	Trajanje benefita: prvih 6 mjeseci	CineStar Premiere + FilmBox + Dodatni STB
Moja TV Net M		HBO Premium + Dodatni STB
Moja TV Net L		20% popust na naknadu + Dodatni STB
Moja TV Full S	Trajanje benefita: prvih 8 mjeseci	CineStar Premiere + FilmBox + Dodatni STB
Moja TV Full M		HBO Premium + Dodatni STB
Moja TV Full L		20% popust na naknadu + Dodatni STB
BENEFIT 2		
svi Moja TV paketi	Kupovina uređaja iz asemblirane/partnerske ponude za Korisnike	

(2) Korisnik ostvaruje pravo i na benefit redovne ponude u vidu besplatnog korištenja terminalne opreme/uređaja (CPE).

Član 5 Opšta pravila za sve Korisnike

- (1) Korisnik Moja TV paketa prilikom prelaska na korištenje Moj izbor usluge nastavlja koristiti benefite iz Akcije do isteka obaveznog trajanja ugovora po osnovu Akcije.
- (2) Korisnik ima pravo da u toku obaveznog trajanja ugovornog odnosa izvrši promjenu korištenog Moja TV paketa bez sankcija/obaveza po osnovu ove Akcije, izuzev naknada utvrđenih Cjenovnikom i Opštim uslovima, pod uslovom da je novoodabrani paket jedan od Moja TV paketa obuhvaćenih Akcijom i da prelazi na paket veće cjenovne vrijednosti. U slučaju takve promjene paketa, Korisniku će biti omogućeno korištenje benefita iz Akcije od novoodabranog paketa za preostali broj mjeseci benefita, osim u slučaju prelaska sa Moja TV Net/Full S na Moja TV Net/Full M, gdje Korisnik neće imati akcijski benefit korištenja HBO Premium paketa.
- (3) U slučaju promjene na paket koji nije obuhvaćen Akcijom kao i u slučaju promjene korištenog Moja TV paketa na paket manje novčane vrijednosti u toku obaveznog trajanja ugovornog odnosa, Korisnik gubi pravo na benefite Akcije i obavezan je platiti penal koji odgovara penalu po osnovu prijevremenog prekida ugovora sa obaveznim trajanjem.
- (4) Korisnik je obavezan da u slučaju prestanka ugovora za Moja TV paket zaključen po osnovu Akcije, iz bilo kojeg razloga, svu opremu dodijeljenu na korištenje, vrati BH Telecomu ili u suprotnom plati njenu protuvrijednost.

Član 6 Pravila za benefit popusta na mjesečnu naknadu

- (1) Popust na mjesečnu naknadu se obračunava na cijenu koja je u Cjenovniku definisana kao iznos mjesečne naknade bez obaveznog trajanja.

- (2) U slučaju prijevremenog prekida ugovora sa obaveznim trajanjem, a koji je zaključen radi ostvarivanja benefita Akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti sve dodijeljene popuste na mjesečnu naknadu za broj mjeseci u kojima je koristio benefit.

Član 7

Benefit besplatnog korištenja dodatnog STB uređaja

- (1) Pravo na ovaj benefit imaju Korisnici koji podnesu zahtjev za korištenje TV usluge na dodatnom TV aparatu/prijemniku, ukoliko na lokaciji Korisnika za to postoje tehnički preduslovi.
- (2) Ukoliko Korisnik ne deaktivira ovu dodatnu uslugu prije isteka perioda besplatnog korištenja po osnovu ove Akcije, ista i dalje ostaje aktivna te se naplaćuje po važećem Cjenovniku.
- (3) U slučaju prijevremenog prekida ugovora sa obaveznim trajanjem, koji je zaključen radi ostvarivanja benefita iz ove akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti ukupan iznos mjesečnih naknada za mjesec u kojima je koristio dodatnu uslugu Dodatni STB uređaj.

Član 8

Benefit besplatnog korištenja CineStar Premiere paketa

- (1) Ukoliko Korisnik ne deaktivira ovu dodatnu uslugu prije isteka perioda besplatnog korištenja po osnovu ove Akcije, ista i dalje ostaje aktivna te se naplaćuje po važećem Cjenovniku.
- (2) U slučaju prijevremenog prekida ugovora sa obaveznim trajanjem, koji je zaključen radi ostvarivanja benefita iz ove akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti ukupan iznos mjesečnih naknada za mjesec u kojima je koristio dodatnu uslugu CineStar Premiere.

Član 9

Benefit besplatnog korištenja FilmBox paketa

- (1) Ukoliko Korisnik ne deaktivira ovu dodatnu uslugu prije isteka perioda besplatnog korištenja po osnovu ove Akcije, ista i dalje ostaje aktivna te se naplaćuje po važećem Cjenovniku.
- (2) U slučaju prijevremenog prekida ugovora sa obaveznim trajanjem, koji je zaključen radi ostvarivanja benefita iz ove akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti ukupan iznos mjesečnih naknada za mjesec u kojima je koristio dodatnu uslugu FilmBox.

Član 10

Akcijski benefit korištenje HBO Premium paketa

- (1) Ukoliko Korisnik ne deaktivira ovu dodatnu uslugu prije isteka perioda trajanja benefita iz Akcije (korištenje uključeno u naknadu), ista i dalje ostaje aktivna te se naplaćuje po važećem Cjenovniku.
- (2) U slučaju prijevremenog prekida ugovora sa obaveznim trajanjem, koji je zaključen radi ostvarivanja benefita iz ove akcije, iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti ukupan iznos mjesečnih naknada za mjesece u kojima je koristio dodatnu uslugu HBO Premium.

Član 11

Pravila za benefit kupovine uređaja iz asemblirane/partnerske ponude

Svi novi Korisnici koji u toku trajanja Akcije podnesu zahtjev za korištenje bilo kojeg Moja TV paketa imaju mogućnost kupovine terminalne opreme i uređaja iz asemblirane ili partnerske ponude BH Telecoma (Korisniku se dodjeljuje se status „postojeći korisnik“), po uslovima koji važe uz ugovor sa obaveznim trajanjem, a u skladu sa Cjenovnikom i specifičnim uslovima koji se odnose na asembliranu ili partnersku ponudu, koji, između ostalog, uključuju i pravila prestanka/raskida ugovora za asembliranu ili partnersku ponudu.

Član 12

Završne odredbe

- (1) Ovi Uslovi su dostupni na prodajnim mjestima BH Telecoma i na službenoj Internet stranici BH Telecoma.
- (2) Ovi Uslovi se primjenjuju od dana početka realizacije Akcije.
- (3) Ovi Uslovi ostaju na snazi sve dok postoje prava/obaveze BH Telecoma ili Korisnika u pogledu pružanja/korištenja usluga/paketa/benefita iz Akcije.